

滙八家詩選

李根源

題



陳虛齋詩選
卷七

陳虛齋詩選卷七

昔昆明王燦惕山輯

大理董萬川澄農印

陳榮昌字小圃一字虛齋晚號困叟光緒癸未進士翰林院編修官山東提學使著有虛齋詩文集桐村駢文桐村詞明夷子老易通演詩拾遺先生天性純篤子臣弟友爲吾滇第一流人所爲詩大力包舉光燄萬丈萃經史之腴得性情之正古體出入韓杜純乎氣行極以文爲詩之能事近體格律嚴整氣韵沈雄不徒以雕章琢句於字裏行間爭工拙較長短也袁樹五序謂根抵洙泗懿茂淵洪師之詩集一昌黎之文集而已師文學昌黎冥悟默契昔人或能之獨至通文法於詩法則千數百年無及此者

臥龍岡

出處不可忽古人難其始商周莘渭來誰復洞斯旨南陽山水奇

中有一名士達不爲蕭曹窮亦非黃綺雷雨縱橫至伏龍天外起
何必云將略所遇己不詭管樂亦奇才此事何足擬驅車望高岡
遙遙深仰止

岳廟

臣身誓許國唾手收燕北成功在須臾班師詔何迫生還君之恩
死報臣之職所恨臣一身生死關社稷社稷君不憂臣身復何惜
人言秦檜奸殺臣安能得君欲冲天飛乃自殘其翼恐亦非君心
天乎不可測

送蘇寅谷歸里

合并苦不早離別苦不遲遠人見歸客何以爲心思祖道一尊酒
臨行前致辭京華遊蕩窟美酒兼妖姬二者皆禍水能縮人生期
昔我出門日母心爲之危出送撫背語犯此非吾兒功名得固好
不得不汝疵當時敬受教字字鏤肝脾到今守此戒尺寸不敢違

與子久同舍辱荷青眸開問我寄遺母將以何物歸慚愧無一物
持此報庭幃

大風渡漢江

西來江上風東去江中水逆風抵水回水勢皆披靡江靈怒與爭
轟擊大波起波上彼舟危回顧我猶彼天地相低昂城郭忽轉徙
櫓舵兩無功帆檣盡欹倚來岸亦已遙橫流伊胡底移時始泊舟
簸揚猶弗止不受風濤驚登岸誰知喜且勿忘艱虞戒懼當如始

書戒

方寸亦戰場紛爭不可止借問王者師天戈何所指惟利之爲害
乃亂臣賊子能令智者昏兼使廉者鄙苟此之不除戕賊將無已
所以古儒將仗義相與抵小者麾之去大者制之死豈無垂餌人
重誘計良詭而我嚴秋毫不敢干軍紀商周戡亂臣伊呂亦奇矣
一則耕有莘一則釣謂水烈烈兩將才清操固無比聖人有兵書

顏由受音旨其守在固窮其戰在克已薙草不留根破壁無遺壘
區區靈府中安容蝨賊起天君自興師征誅從此始

臨行語客

日暮聞剝啄兒童爭問誰入門丈人行謂我行有期遠來致尊酒
厚意詒言辭長安居不易盡室行非宜知進不知止後悔安可追
賤子慙丈人當局豈真迷惟念畫荻母倚閨多酸嘶自知仕宦拙
深恐迎養遲更欲進一語將令丈人悲咸同離亂後家產靡孑遺
無廬蔽風雨無田充渴飢向來生理絀出處同慘悽艱難共一處
猶免生別離聞言各歎惋行矣早來歸

喜出都勻

踉蹌出都勻勝逃羅刹國非謂此邦陋今年遭災疫十室九室空
生者無人色太守大悲摧爲從亂離說云在咸同間此爲虎狼窟
人生如亂麻城下體骸積流血入地底不計丈與尺幸而天氣和

其毒伏不發時或作淫雨浸潤深莫測驕陽一暴之腥臊上騰越
九竅誰能閉竊人據肝腦此禍所由興不關鬼魅作方相與申茶
束手坐無策遑問人世間起死有扁鵲扁鵲術雖神豈能醫地脉
地脉不能平存亡只旦夕人孰不樂生我聞增慘惻從者盡呻吟
况乃身亦疾誓將奮飛去王事苦束縛不辭疵癘鄉安保身命活
鹵簿盈道周引我出城郭顧見諸僕夫行步亦踴躍徑去不回頭
有如罔罟脫却閔城中人尚倚太守藥

播州試院予所居室與山相對山上冢纍纍然感而賦之

問爾冢中人生世幾何年夭者爲殤子壽者爲彭錢凶者爲盜蹠
吉者爲顏淵吉壽與凶夭判若霄壤懸謂人各有數豈不皆由天
夜夢四五輩排闥入吾門各言辱明問有類腐儒言星隕日月蝕
天不自保全何暇施餘技舍已芸人田子知螻蟻乎震動庭階間
時或封窟穴居息求其安時或者飲食骨骼慕其羶時或保性命

瑟縮體骸拳時或恣殺僂轉鬪營陣堅人爲保蟲長蠕蠕螻蟻然
螻蟻視螻蟻豈無愚與賢以人視螻蟻安辨螻與妍况天與下人
相去幾萬千彼雖長耳目聽睹良亦艱地形如軫方天形如蓋圓
地道常右周天道常左旋天地不相能人事豈復關顏淵自明哲
盜躋自兇頑彭錢自引福殤子自罹患君今乃大夢未能得其詮
我今乃大覺何敢祕其玄陳子再拜謝信如公等言人生各自爲
造化真無權

遵義道中書觸目

黔道數千里岡巒生怪石跬步困於中天地爲之窄獨此豁然開
遠近見阡陌無怪夜郎王恣睢夸大國况自漢唐來漸漸隸圖籍
語言變侏儻衣冠換皮革聖朝頒正朔休養幾三百中更兵火年
幸未殘地脉土膏視他郡已自殊肥瘠大利興蠶桑貧富遂乖隔
我行城市間鱗比多大室鹽政雖改絃百貨尚狼籍所恨守土利

盡爲隣封奪遂令傭販夫從此困征責闕廷豈無祿常俸不足罰
腴剝及脂膏官貧固民阨富民先富官吾欲陳此策帑藏久空虚
哀哉不可得去去勿復言且自慎行役出郭得縱觀田野幸墾闢
晚禾亦已收畦水淺且涸荒草生道周古木列山脊或如蕉葉黃
或如楓林赤萬類傷歲寒誰能不改色叢雜茸闢中蒼蒼見竹柏
干雲秉姿性盤地鍊精魄風霜肆虐威挺出相鬪格有似雄傑人
卓犖不能屈封殖者誰子攢若排戈戟輒復安草廬參差露林隙
我本素心人愛之不忍釋徑欲造其居一訪隱君宅征夫不解意
行邁轉促迫年來放曠懷苦受山東縛南荒好林泉如此豈易獲
明朝蹋亂山所見又何物

述訓

老母閔念我問兒何感傷自從秋冬來形體日羸尪兒亦無所感
兒亦無所傷與兒一寸心未敢斲其良與兒七尺軀未敢潰其防

但恐負阿母富貴非顯揚松柏耐寒歲葵藿傾太陽物尚有志節
人豈無肝腸欲將平生志一貢天子堂建言未有路立績何所望
戰和自水火將士日奔亡坐愁行歎息不覺損容光母曰姑徐之
勿汲汲皇皇理柁涉風浪自有黃頭郎尸祝非庖人越俎終不當
漢家有宗社百靈呵不祥天柱斷無折杞人徒慨慷兒身善自保
兒志慎勿忘

送少庚奉母南歸八十二韻

倭奴何能爲固不畏此去兄弟相與謀誓將改故步繫昔少也孤
生事百無措苦節母所貞冰飲而蘖茹艱辛十餘載顧我猶章儒
習爲排優辭漸解窃名譽兄登鄉老書公車首燕路挾技于春卿
屢進屢顛仆弟獨有天幸冥行策騏驎從轡任所之闖入玉堂署
辭職走還鄉親舊喜來助苟有出山資崎嶇何足懼萬里挈家行
遙指薊門樹長安不易居長老爲驚怖幸蒙天子恩去叱夜郎馭

三歲宦囊錢聊足蘇涸鮒徑欲懷以歸遂逢阿母怒舊宅早成灰
故園不收昔芋飢今果腹昔寒今五袴如鷹飽則颺主人恩不顧
不圖養汝曹乃作太倉蠹深語刺人心荒天撥雲霧本來國之祿
不是卹貧具持購古人書百城森寶璐扛之入京華旦夕供饜飫
糟魄儻能靈蓬心或有悟竭來梁家園已復三載住了不異於人
歲月等閒度行年三十五立身尚失據挾策終亡羊坐歎讀書誤
天將啓予衷鬼物來相覷拔劍出欲斬且休勿太遽當今公卿間
豈無識時務徐徐靜觀之令人瘦如瓠仕進在中人梯榮半行賂
捷足躋要津艱大未可付狂者已喪心懦者甘出胯不任天下憂
誰借食前箸發憤心轉雄此事難自恕欲反彼所爲自尋立脚處
忽憶去年秋阿戎嬰疾苦吾兄私自禱行道神所祚皎皎冰雪腸
肯受一塵污誓不飲貪泉廉吏吾其庶此子留負薪或補黑衣數
霍然病良已顏色今如故弟感兄此言不覺心生妬我邁而斯征

爲善乃不如君語若形聲吾當影響附不用瞑眩藥奚拔膏盲痼
古之廉吏輩子身類孤鶩只許琴鶴隨妻孥那得與小人今有母
烏雛尚反哺將奉板輿歸遠別得無慮兄曰嗟予第罕譬子自喻
鴻雁不爲巢雲天自遠翥雄狐曳其尾濡水不敢渡爲子與爲臣
實踐非浮慕二者固交資一身兩赴但使忠節彰卽是孝行著
龍比一流人事親定無忤爾已被衣冠勉心戒尸素舊有千金裝
菽水幸餘裕夏暑冬祁寒吾爲母調護兒女吾教育長成吾嫁娶
爾身獨處此薄俸足蔬布庶幾報國心專若擲孤注再拜受兄言
請自明其趣往事無復說大錯豈能鑄循人覆車轍自思常自惡
忽如夢欲覺霜鐘動清曙願效懸庭魚恥作營窟兔自非吾君賜
秋毫不敢預倘磨骨幹堅定將肝胆吐不上蘇秦書只陳賈誼疏
下當居一障上當調九護從此捧日心直可呼天訴要今兩目中
無鼎鑊刀鋸文山正氣歌左徒離騷賦卽我息壤盟終古守此度

母也吾之天我心自呈露君歸上邱隴爲我誓父墓

次韻答孫少元兼呈李子恆

昔吾聞之師不自見者盲端居儼如神安知非色莊照理澈如水
安知非渺茫自謂天宇曠忽暗若陰房自謂太山重忽輕若豪芒
乃知臧與穀其羊同一亡縱讀五千卷拄腹而撐腸反使流俗子
傲睨雙目瞠真儒麟之角僞儒虎之俵欲以僞亂真賊德良可傷
聖賢千萬語厥義孰爲長慎獨兩字耳實爲百川障此中有真種
外物皆秕糠一言更奇警學聖先學狂其言則膠膠其氣則揚揚
目必一世空行必百世芳譬彼千鈞弩有力方能張少當堅若石
老當辣若薑窮冬百草死松柏凍不僵豈學桃與李但解媚春陽
浩然塞天地可行亦可藏趙孟不爲富賁育不爲強斯道卽菟裘
終老吾亦將把臂得孫呂敝廬有餘光毀譽兩不顧前修相跂望
願成九轉藥各自拔膏盲安能強凡鳥同此臨風翔

壽母篇

光緒廿二載丙申冬之初陳母設帨日有子歸及途欲持四方物
擎謁獻庭除遠哉莫能致行坐徒踟躕問母年幾何日庚寅降吾
七十尚不足六十頗有餘厥性婉而貞神清形則癯苦節難殫述
述或增煩紆富貴不足言言亦嫌浮夸叶不如道家常吉人福所
都惟母產三子惟兒陋且愚兒弟人則亡文采未淪胥兒兄得博
士不受名韉拘感此兒亦奮棄官如土苴三子又有子母顏爲之
舒但喜笑啞啞不厭啼呱呱且云孫枝好奔累爭紛敷震男與巽
女八卦數相符得此繼先業不墜詩與書得此資吾老行步有人
扶兄曰母之德母曰天賜諸今日敬壽筵諸孫左右俱兒獨不在
側不得率以趨願將兩赤舄化作雙飛鳬躡之蹋雲去頃刻集堂
隅出我篋中裘換酒盛玉壺垂我竿上餌釣鯉供槃盂小蔬刈菰
韭大肉屠羊猪兄來視滫瀡婦來司庖廚賓親來謁賀奉母中堂

居中堂有好畫丹青輝門閭黃絹飾邊幅白玉題揭櫟翩翩紅蝠
蝠飛飛入我廬矯矯雲中鶴昂昂不可斂上有蒼丹松古幹龍盤
拏下有忘憂草花色黃金塗合之在一處謂是福壽圖母喜喚小
孫與爾名不殊予以圖賚爾福壽當如予有客謀侑學欲召梨園
徒曰母勿太費大樂非笙竽兒前跪致詞此事易爲謨人不外求
索一呼來于于孫男扮曼倩孫女扮麻姑小孫喜跳躍假面扮獼
瑚兒亦有童心扮作老萊鬢各各著舞綵五色花班如上堂齊蹈
舞下堂齊謹呼謹呼作何語天上仙桃株三千秋一實三千春一
華叶春秋閱六千長年世所無持用較母壽尚覺仙桃輸滿堂客
大笑笑亦不關渠全家作傀儡博母一日娛一日誠已娛萬事不
足虞人生但如此安用封王侯叶

示張權

權乎爾於我乃不知所愛謂我宜休息丁寧至於再我且仆且行

而子教我退我且噎且食而子教我廢廢退吾所能豈煩諄諄誨
誨乃使我驚塌然崩五內人壽朝菌耳百年等朔晦鬼伯儻見催
乞天天不貸道俗一戰場是非一博塞攘臂與之角要及此身在
信如權之言草木不灌溉信如權之言雞犬不鳴吠工賈不挾貲
農夫不秉耒三五羣聖人何必開草昧我於霄壤間小石在嵩岱
填海雖有心負天那無背亦知蠅蚋勞終媿靈鰲戴却思古之人
縱死吾不悔顏回髮可白有若掌可焮請還質諸子子將何辭對

南山有鳳凰行

南山有鳳凰其文含九苞所貴迺在德不以文自驕千仞入寥廓
倦飛歸故巢羣鳥樂鳳皇望風相率朝旁有一孔雀疇昔自矜高
鳳皇未歸日羣鳥讓其豪孔雀有羽黨鳩毒雄鳩佻一自鳳皇歸
畏妬心煩焦時當夜昏黑山阿多夔魑欲毀鳳皇室召怪徵鴟鵂
鴟鵂憚鳳鳴不得恣爲妖孔雀語鳩鳥乘機興詠謠倘擠鳳皇去